

門 武 9
號 273
卷

竿齋石坂宗哲法眼閱


人參攷

原本清唐衡銓文房肆考所載

人參攷
序

父竿齋君之奉

命教諭鍼科於甲斐州實寬政丁巳年也先是州
之府未嘗有學舍之設也君乃巧創學館聚生徒
典教事且於館側賜地三千弓墾藥圃自官鑿
以及城市草莽之鑿皆趣館而肆其業芝圃以辯
識草蘇草芫俱皆君督之蓋多紀永壽院之議而
鎮臺永見近藤二公之所申諭云當時本州之業
鑿者皆投刺納謁爭蟻附蝟集於其門共有神津



宗益者、齡過肉帛、一日來請問曰、野老往寬保延
 享間、宦於京師、坊間沽得朝鮮刊本東醫寶鑑一
 部、歸舍披閱、得字紙若干葉於其間、以質諸人、即
 是彼邦製人參之傳訣也、嘗聞之、昔豐公之征韓
 也、先鋒將陷王城、俘一書庫、載歸、想豈是此之遺
 歟、先生方今創開藥圃、種藝方蕃、他日又必應植
 參以充世用、此法若得下一有用于世、實野老之幸、
 出以贈之、君受而謝焉、厥後
 召還、進侍醫、叙法眼、后文政己卯、丐會津侯、得人

參數十根、乃依法製之、又製秋田參、津輕參、不一
 而已、尚且安排鍊習、竟能得其要訣、君嘗曰、此若
 千葉字紙、乃是吾人寶珠船、而他日必應有大裨
 益矣、後無幾、果有賴此製參、再三拯得兜孫於痘
 瘡危篤中、則知君之言亦不虛矣、文政己丑秋、遂
 命試製野州參一百餘根、以

上進之、其體之圓、色之光、質熟而肉潤、氣味全存、
 置諸舶貨上品中、難沒為軒輊矣、是乃予之曾以
 受其秘訣、而常親中製法事、而所知也、抑人參神

草而王氣鍾靈之邦必生之其於調生養病古來
無漫論也但憾世未得其製法夫參而不為參用
亦徒參耳故有事輒必仰之外邦是以其價年貴
一年百年以來上頂者唯富貴有力家得用之如
寒素貧賤者雖粗惡下等品皆不能致也劣得疑
似贗物徒費餘財夫既如此則雖有真參豈亦不
能親用常試其氣味効驗有時用之亦不過一匕
一撮之微太類小兒遊戲塵飯土羹以相獻酬噫
嘻一杯水於一車薪何有哉是以至其使用品題

等皆茫乎不亦玉石徒主張藥舖妄說欺人欺己
剽其收藏之不知誤事者甚多矣清唐衡銓青年
蚤已有入參攷之著其書特能辯地道出山之蚤暮
貨市形色之高下等歷二可指擿至其辯行戶店
家多立名稱以眩惑人者又可謂頗精且實也雖
零星冊子不亦足以傳乎世人讀此畧得辯識其
真贗不第不為賈豎奸僧所瞞便免於其襲燕石
市禍害之誚已竊惟我
日域精英鍾靈之地享保以還生人參沿道已夥

矣若能廣製此贍於世用令醫常用而恣驅使長
使人二調生養病以無憾則此書之為筌蹄亦固
所不辭也乃拔此書於文房肆考中校而授梓皆
文政庚寅歲孟秋

東都

櫟園石阪圭宗珪



山崎成允書



人參攷

目錄

參當辨識防害

新產今昔異地

鳳凰城

船廠

臺貨

蘇行分等

蘇行秤兌

店家名色

大參邇年頗少庫貨邇年不蛀

收藏參法

防霉時候

名同參類

形似於參

真偽攢疊

諸參總較

[This section contains several vertical columns of text, mostly illegible due to fading.]

人參攷

練水 唐秉鈞衡銓纂

參當辨識防害

人參價貴我等士人寒素者多澹泊自甘寧以人參
爲常食之物然或有時進以奉親有時自需調攝或
入場科舉携備不時事所必有物非常用偶見難分
玉石向有以短接長者謂之接貨以小併大者謂之
合貨必先用茶水潮過原汁已出又用粉膠粘紮蒸烘

做成其力薄而易變固不待言又有薄夫以參湯泡
自啜乃晾乾烘燥做色復售謂之湯參究不失為真
參尚無大碍邇年價日昂貴漸致以偽雜售若不辨
識真贋不第被欺誑財且恐貽害非細故特攷人參
之地道出山之早晚貨市之時候形色之高下零蛀
之收拾及市肆之多寡立名稱以眩惑人目畧列於後
所產今昔異地

人參前明時心州高麗邯鄲百濟澤州箕州并州幽
州媯州易州平州並產參而上黨山谷出者為最上

黨即今路州也太行紫團山所出者為紫團參紫色
稍扁百濟參白堅且圓名曰條參俗名羊角參高麗
參近紫體虛新羅參亞黃味薄肖人形者神類鷄腿
者力大高麗百濟新羅三國今屬朝鮮其參有子十
月下種如種菜法春生苗多於深山背陰處初生小
者三四寸一極五葉四五年後生兩極未有花莖十
年後生三極年深者四極葉各五中心生一莖俗名
百尺杵三四月有花細如粟蕊如絲紫白色秋後結
子如大豆七八枚生青熟紅自落秋冬采者堅實春

夏米者虛軟。本朝獨重遼參。以人參乃神草於王氣
鍾靈之處。生者味勝。力洪。故也。

鳳皇城

鳳皇城貨。雖地道所出。不一大畧早出。白秀體鬆。而
瘦長者。皆名曰鳳皇城。土人採取。出山甚早。五六月
即可掘米。九十月。賈人便至蘇城。開價矣。故其質不
堅。皆由味經霜雪。行根未及。統貨糙多。熟少。此種低
貨。惟行銷於洋廣江西。一過次年春風透時。熟則變
糙。糙則更變。癘皴不堪矣。癘音別
枯病也

船廠

去鳳皇城三四千里。名曰船廠。其地多巨木。屋宇道
路橋梁。皆巨木所建。相傳係開海禁時。曾於是地造
洋船出洋。故名船廠。其處二百里內外所產。較鳳皇
城稍堅實。且紅潤可觀。但其中空鬆者。確不少。土人
并以鉛條等。挿內以圖利。大約六七月。米取出。山冬
初亦至蘇矣。鉛條之由。蓋土人採取者。不過藏糶於
橐。以充食。鉛壺貯酒。以供飲。酒罄即剪壺作條。以挿
參耳。其貨稍遜。臺貨。其價市嘗並驅。

臺貨

臺貨者。寧古臺所出之貨也。地處極北。去船廠五千餘里。地極厚。天極寒。深秋之時。霜雪即已載道。總在八九月。採歲終方至蘇城。其體質皆由地土既厚。出山又甚遲晚。所以堅實圓湛。孰多。糙少。即或間有糙皮而肉必紅結。并無藏鉛之弊。夫鳳廠臺三處。此蓋總羅大地之名。而言其各有所屬。一隅如老城新城等處。地道甚雜。稱名甚多。難以盡舉。產莫悉別。必須憑貨品題。難以懸擬。大要以色光體圓質熟肉湛四

項兼者為上耳。

蘇行分等

經商至蘇。在行發店。其行規店規不同。凡客貨到行時。主將客貨分作三等。揀堅結紅。大熟多。糙少者名。統貨。其色次紅。癟皺糙多。熟少者名。拘色。又次色。浮白微紅。質薄肉少者。加入條參者名曰泡丁。

蘇行秤兌

行秤輕。店秤以貨二十四兩二錢四分作一斤。以行秤行貨一百換。各作店平店貨六十換。故交行貿易。

每兩作九七折作大秤算。

店家名色

參至店家必逐一細揀分等次第以定價值各自多立名色取五六十名以眩人移步換形難以執論摠在自已眼力辨別其曰拔頂熟紅潤圓綻全乎是肉每枝重一錢至四五錢者參之最紅熟者不拘大小塘西所行故最高熟參謂之塘西貨揚州之行熟參反次塘西。

統頂細紅皮肉圓湛六七分至八九分一錢者。

二頂細紅皮肉或色滯稍較頂熟身瘦怯六七八分者。

次頂細紅皮肉稍癯皺或色滯或瘦長或武相五六七分者。

大揀熟細紅皮肉圓湛短壯四五分。

中揀熟細紅皮肉或色滯身長三四五分者。

中熟細紅皮肉圓湛二三分成枝者。

小熟細紅皮肉一分四五厘至二分以外者。

條小熟細紅皮肉身長圓瘦有頭尾一分以外者。

短中細紅圓湛。成枝一分上下者。

大脩尖細紅皮肉。不成枝數。皆大貨枝稍脩下。二三

四厘。而如戲梗。粗細者。其力甚薄。祇可生津止渴。調

理常病。或係蘆頭上橫生者。其性橫行。指臂無力者。宜之。

二修尖比大修尖稍細。形則同。

太參細紅短小。自成枝數。比短中更小。或瘦三四厘

至一分外者。然其短緊堅實。其力不下大參。

頂條細紅皮肉。身細長無頭尾。七八厘至一分外者。

大條細紅皮肉。細長五六厘至一分者。

短條細紅。若大條斷者。不成厘頭。

短丁細紅。如蜂蝶足。粗細者。俗名蠅腿。是也。

中條細紅。長短不盈寸。如蜂蝶小足。細者。

光頂熟光潤。色明。如粉粧。成頭尾。渺無粗皮。短圓文

靜。單枝挺湛。或有旁枝。而不岐。六七分至一錢者。

光二頂光細圓湛。或稍長武。四五六分。成枝較頂熟

少減一等。

光揀熟光圓紅湛而文。三四分。成枝較二頂又小一

等。

光中熟較光揀又小^上一等。二三分成枝者。體色亦如^之。

光小熟一二分成枝者較中熟又下^下一等。

光大條光圓而長瘦無頭尾一分外者。

光小條光圓而長一分內者。

頂無皮形體如頂熟而有細白皮紅肉者輕重同^之。

大無皮形體如次二頂而有細白皮紅肉者輕重亦

同^之。

中無皮形體如中揀而瘦長有細白皮紅肉者輕重

同中揀中熟。

小無皮形體如小熟而長短不分有細白皮紅肉者

輕重同中小熟。

頂糙形類無皮而粗白皮頭內亦白肉不實稍頭露

紅而體大質輕。

揀糙形類大無而粗白皮者質亦輕。

次糙形類中無而色滯癢長者。

小糙形類小無而粗皮者如色紅^上即名曰小紅糙^下體

質摠輕。

紹糙形類蕪皮。不拘大小。粗紅皮而有肉者。紹興去路。故名曰紹糙。蕪皮亦有紹蕪。即蕪皮之皮紅細結者。不拘大小。去路同。

鳳參質大如頂棟中熟。而細白糯皮。稍頭有紅暈。而中如敗絮者。東洋必需。

鑲鳳質輕。大小如鳳參。細白皮。不糯。微有鐵線紋者。亦洋去。

白棍質益輕。皮泡色黃白不一。形大如頂熟。

鳳稍質如鳳參。而細長如條。小形者稍有紅暈。可接入鑲鳳以充鳳參。

片料質輕。中而有肉者。皮色粗細黃白不一。浙人倫以潮透切片。貿易頗似熟參。奸商邪僧。往往鑲節眩人。然尚勝於偽者。

糙條皮糙皺而細長。如頂條者。

泡頭皮色不拘黃白黑。質輕重如白棍。商人倫以駢接入混糙。

泡條形如中條。而泡白者。

鬚條細紅如柴心者。

淨鬚紅潤細如髮。

參蘆乃參之蘆頭發苗之處也。色多白。每以體鬆糙貨斷以雜之。

空紅細紅皮而色嬌。中空而熟者不拘大小。

白熟細糯而白皮。嬌嫩中空。若兼皮者不拘大小。

箱底乃是零星渣末。惡劣不堪之物。俱入其中。貨中之至底至賤者也。都中稱為雜末。間有落存大段於內。若到蘇城。一經市商之手。大者好者俱已揀去矣。

大參邇年頗少。庫貨邇年不蛀。

人參年貴一年。日低一日。此皆採取之勤。不使其年久滋養長。大耳昔之庫貨。因貯庫年遠。及至發出。故有蟲蛀。近年皇上聖明。鑒惜臣民氣體孱弱。生齒日繁。需參日衆。隨收隨發。賜臣工而散天下。故庫貨與客貨一樣新鮮。

收藏參法

人參易於蛀。頻見風日。則蠹生矣。惟用盛過麻油磁瓶。泡淨焙乾。與華陰細辛相間。納盛於中。密封經

年不壞。一法用淋過竈灰晒乾，罐收亦可。今蘇州店
家光熟參皆包貯茶葉之中，此法最便。

防霉時候

人參變色最_ニ怕_レ黃梅時節。桂花黃候_ニ大暑_ニ不_レ使_シ其傷_ム。
熟_ニ淫_ニ雨_ニ不_レ使_シ其受_ケ濕_ヲ。濕_ハ則_チ烘_ク之_ヲ。熱_ハ則_チ風_ニ涼_ク之_ヲ。不_レ時_ニ啟_ル。
看_ル勿_レ使_シ蟲_ニ噬_ク。光熟參至夏月每遍身白點謂之起霜。
常_ニ以_テ軟布_ヲ用_ヒ新涼水_ヲ擠_キ濕_ヲ。捻_シ去_レ無_レ碍_ヲ。蓋_ニ經_テ焙_ク其色易_ニ
老_ニ再_ニ焙_ク色皆黑紫矣。

同名參類

太子參雖細却短緊堅實。其力不下大參。
珠參苦而微甘。宜於治火。味厚體重。形如芡實。
防風黨參根有獅子盤頭者真。硬紋者偽。
黨參今肆中所賣者種類甚多。無所攷據。皆不敢用。
惟白黨之味雖甘甚淡。功力之不及防黨可知。
粉沙參出於江浙。去皮淨煮極熟。陰乾即名紅黨。
西洋參形似白泡糙參。煎之不香。吸之苦多。宜於治
火。
北沙參色白。形如戩梗。鮮時折之多白汁。故俚人呼

為羊婆奶。秋采者白而實。春采者微黃而虛。小人亦每繫蒸壓實，以亂人參。花如鈴鐸，故稱鈴兒草。南沙參形稍瘦小而短，色稍黃。功同北參。力遜。近有一種味帶辣者，不可用。空沙參即薺芫，又名甜桔梗。

形似於參

偽造者或以形似於參之物造作亂之。如防風沙參薺芫桔梗之類是也。江浙間出。一種土人參。苗葉與桔梗相似。根亦如桔梗而柔。氣香味甘美。較參稍淡。煎之湯無香味。渣不肯爛。惟脹胖耳。

真偽攢疊

參日價貴。奸惡之徒。巧於網利。恐以全假之貨求售。被人靛破。反罹罪戾。故或以糙接熟。或以假鑲真。或用豎相雜。以攢疊。或用層相間。以節疊。做成枝極一色。宛如無縫天衣。一時眩惑人目。難以識別。名曰金鑲玉嵌。必須細心審察。庶不受欺也。

諸參總較

人參。黨參。土人參。洋參。薺芫。桔梗。多相似。人參體實，有_レ心而味甘，微帶苦。自有餘味。煎之易爛而渣少。防黨體實而味甘。土人參體實有_レ心而味甘。淡洋參雖似糙參而氣味不香。沙參體虛無_レ心而味淡。薺芫體虛無_レ心而味甘。桔梗體堅有_レ心而味苦。

人參攷終

京師人加藤玄順者嘗著治痢經驗曰治痢唯人參宜隨病而增減如貧人藥舖稱強人參者用以代人參不真人參亦有效雖有不厭參價之貴者痢之始起欲用參則俗醫病家俱拒之故先盡力用強人參其功雖不及人參取効不少也藥舖稱本須者其色有黃有白潤實肥大有餘味者為佳今藥舖通稱朝鮮者大概上半須也非真朝鮮藥舖稱碎人參者數品其稱枝碎肉碎太碎中碎蘆頭鬚者偽雜尤多宜辨也近來參價日貴故以薩摩小人參煮製者混之

彷彿難以分別。用之無益。唯人參鬚細小黃潤難混。以薩摩小入參。予數試用。於貧人得効。又曰。稱朝鮮碎。或先碎者。櫃中細小者。藥舖偽作其形狀。賣之朝鮮。渡來之真也者。近來稀。又曰。近年間也藥舖稱唐大者。此以參蘆片為皮。以糊造作物。而不堪用也。其單股唐大者。種種其名亦不一。價亦貴。其功能肉碎。大碎等。遠不及也。云云。其書蓋併刻和漢人參。考前後編。而前編其父謙齋者。與朝鮮聘使筆談。人參形狀。所出之地方者。而後編則玄順自繼尾。而疊引。

瑣說繁復。雖似無益。然於下

本邦未產。人參之前。能辨別店家名色。與清國朝鮮。二品。參類偽造者。試諸病者。而分說其勝劣。實開悟。後學。使人沛然飽滿者。亦不少也。思其書既刊于延享戊辰。何其見地之太相似也。彼我之偶然。出於同一揆。間或如此者。今茲宗圭板清唐東鈞人參攷。因聊錄其所記。併書嘗所賦古詩一篇。以代跋。
等齋子唱。定理鑿尊。崇軒歧有限才。宗脉榮衛窮淵源。著書閃傳。蠻夏垓。
蘇臺李少白題于鑿源紅老來

不慣御冷然寸衷猶欲獻璞瑰享保以還製參法神
慳鬼瞰秘不開憶昔豐公征韓日席卷諸道如振埃
先鋒清正陷王都一庫書籍載將來偶尔造化洩天
真瑤光燄燄拱三台天鑒咫尺命始降羊角洞明
氣焯焯色光體圓質內實上下熙熙登春臺人云三
韓方物中。人參一絕奈病悝何識長白萬重山。圖入
滿州再不回猶以痛糙纒償約真參三韓無一枚宏
哉

德廟神算遠靈苗移下日光側王氣鍾秀土得宜三

極五葉益蕃殖請看我家製造法取此做彼悉有式
天地中間無別訣百世後其儀不忒

竿齋老人石坂宗哲



○附錄人參詩

偉兒久病需用參劑市價甚賚白金三百兩
易一兩尚不得佳者曩閱國史我朝初以參
質高麗定價十兩一斤麗人詭稱明朝不售

以九折給價而我朝捕獲偷掘參者皆明人。以是知麗人之詐起兵征服之迨定鼎中原。害者多其價稍賤然考查悔餘壬辰甲午兩歲俱有謝揆愷功惠參詩一云一兩黃參直五千。一云十金易一兩皆康熙五十年後事也。其時參價不過如此乾隆十五年余以五經應京師試恐精力不支以白金一兩六錢易參一錢二十八年余病服參高者三十二換次亦僅二十五換時已苦其難買以今較

之更增十餘倍矣。市值愈貴購之益艱。詩以誌慨。
清趙翼

貧家患富病用藥需參劑吾兒抱沈疴藉補丹田氣其如價過昂刀圭購不易此物瑤光星散華凝入地三極五其葉獨與凡卉異結子蓮米紅分陰椶樹翠年深根成形肢體或粗備土中兒啼聲往徃驚夜睡其始出上黨僅等苓朮類地運有轉移乃為我朝瑞高高長白山鬱蟠王氣萃靈苗茁其間孕結飽生意以之療羸疾庸醫亦奏技幾同返

魂香不數肉芝。臂當年評直賤。購買不繁費十金。易一斤。鄰市舊有例。十金易一兩。詩家又有記。迨我服食時。猶只倍三四。彈指三十年。微貴乃無藝。一兩三百金。其品猶居次。中人十家產。不滿一杯味。珍過服玉方。艱於鍊丹秘。古稱萬金藥。始信語非偽。嗟哉此神物。天以救痼癘。乃因價不訾。翻若天勢利。但許活富人。貧者莫可冀。此事關隱憂。蒼生命。所擊吾兒病已深。非此不得濟。燃眉倘可救。剗肉遑敢計。搜括罄貲儲。典賣到衣被。所愁力將

竭兒病痊。尚未中霄。撫空囊。徬徨不能寐。

○人參市價昂貴。古今彼我同。一般享保以來。我日本多生此物。而猶未知製造法。上藥必求諸高麗。故其價日沸騰。偽造質作。又隨出其直百五六。十換者。猶多非真品。上下人民苦之。幾二百年於今矣。氣運遷轉。通塞有期。寬政中。岳父守齋先生得其法。創製之。氣味形狀。偕與高麗參毫無差文。政末承

旨製以進之。

廷議貯備。

御藥之用。天保甲

午歲又諭為

大内進御之品嗟哉此物雖一草之微而今既
足為上以裨

聖體下以救生黎之用則亦是我國運盛瑞而所

謂王氣鍾秀地多生此物語信也夫頃嘗讀鷗北

集記此詩因併附諸卷末以知彼邦參價之費尔

天保乙未春仲上浣日 櫟園石坂宗珪再識

